0.0.1 udayīsuttam

ekam samayam bhaqavā sumhesu viharati setakam¹ nāma sumhānam nigamo, atha kho āvasmā udāvī vena bhagavā tenupasankami, upasankamitvā bhagavantam abhivādetvā ekamantam nisīdi. ekamantam nisinno kho āyasmā udāyī bhagavantam etadavoca: acchariyam bhante, abbhutam bhante, yāva bahukatam ca² me bhante, bhagavati pemam ca gāravo ca hiri ca ottappañca. aham hi bhante, pubbe agarikabhūto samāno abahukato ahosim dhammena. abahukato sanghena. so khvāham bhante, bhagavati pemam ca gāravam ca hirim³ ca ottappañca sampassamāno agārasmā anagāriyam pabbajim⁴. tassa me bhagavā dhammam desesi: "iti rūpam, iti rūpassa samudayo, iti rūpassa atthagamo, iti vedana, iti vedanava samudayo, iti vedanāva atthagamo, iti saññā, iti saññāva samudayo, iti saññaya atthagamo, iti sankhara, iti sankharānam samudayo, iti sankhārānam atthagamo, iti viññānam, iti viññānassa samudavo, iti viññānassa atthagamo"ti. so khvāham bhante, suññāgāragato imesu pañcasu upādānakkhandhesu⁵ ukkujjāvakujjam samparivattento idam dukkhanti yathābhūtam abbhaññāsim, ayam dukkhasamudayoti yathabhūtam abbhaññāsim, avam dukkhanirodhoti vathābhūtam abbhaññāsim, ayam dukkhanirodhagāminīpatipadāti yathābhū-

1sedakam - sī 1, 2.

²bahukārāpi - syā.

³gāravo ca hiri ca - sī 1, 2.

⁴pabbajito - machasam, sīmu.

⁵imesam pañcupādānakkhandhānam - machasam, syā.

tam abbhaññāsim.

dhammo ca me bhante, abhisamito⁶, maggo ca paţiladdho⁷, yo me bhāvito bahulīkato tathā tathā viharantam tathattāya upanessati. yathāham "khīnā jāti vusitam brahmacariyam katam karanīyam nāparam itthattāyā"ti pajānissāmi. satisambojjhango kho me bhante, patiladdho, yo me bhāvito bahulīkato tathā tathā viharantam tathattāya upanessati. yathāham "khīnā jāti vusitam brahmacariyam katam karanīyam nāparam itthattāyā"ti pajānissāmi. dhammavicayasambojjhango kho me bhante, patiladdho yo me bhavito bahulīkato tathā tathā viharantam tathattāya upanessati. yathāham "khīnā jāti vusitam brahmacariyam katam karanīyam nāparam itthattāyā"ti pajānissāmi. virivasambojihango kho me bhante, patiladdho vo me bhāvito bahulīkato tathā tathā viharantam tathattāya upanessati. yathāham "khīnā jāti vusitam brahmacariyam katam karaniyam naparam itthattava "ti pajanissāmi, pītisambojihango kho me bhante, patiladdho vo me bhāvito bahulīkato tathā tathā viharantam tathattāya upanessati. yathāham "khīnā jāti vusitam brahmacariyam katam karaniyam naparam itthattaya"ti pajānissāmi, passaddhisambojjhango kho me bhante, patiladdho yo me bhavito bahulikato tatha tatha viharantam tathattāya upanessati. yathāham "khīnā jāti vusitam brahmacariyam katam karanīyam nāparam

bjt page 180

⁶abhisameto - sī 1, 2. syā.

⁷maggo ca me patiladdho - machasam, syā.

itthattāyā"ti pajānissāmi. samādhisambojjhaṅgo kho me bhante, paṭiladdho yo me bhāvito bahulīkato tathā tathā viharantaṃ tathattāya upanessati. yathāhaṃ "khīṇā jāti vusitaṃ brahmacariyaṃ kataṃ karaṇīyaṃ nāparaṃ itthattāyā"ti pajānissāmi. upekhāsambojjhaṅgo kho me bhante, paṭiladdho yo me bhāvito bahulīkato tathā tathā viharantaṃ tathattāya upanessati. yathāhaṃ "khīṇā jāti vusitaṃ brahmacariyaṃ kataṃ karaṇīyaṃ nāparaṃ itthattāyā"ti pajānissāmi. ayaṃ kho me bhante, maggo paṭiladdho, yo me bhāvito bahulīkato tathā tathā viharantaṃ tathattāya upanessati. yathāhaṃ "khīṇā jāti vusitaṃ brahmacariyaṃ kataṃ karaṇīyaṃ nāparaṃ itthattāyā"ti pajānissāmīti.

3. sādhu sādhu udāyi, eso hi te udāyi, maggo paṭiladdho, yo te bhāvito bahulīkato tathā tathā viharantaṃ tathattāya upanessati yathā tvaṃ "khīṇā jāti vusitaṃ brahmacariyaṃ kataṃ karaṇīyaṃ nāparaṃ itthattāyā"ti pajānissasīti.

pts page 090